

清·方略館 編

清代 方略 全書

北京圖書館出版社



清代方略全書

一四七

清·方略館編

北京圖書館出版社

清·奕訢等撰

欽定剿平捻匪方略

卷五九——七〇

清同治十一年（一八七二）鉛印本

欽定勦平捻匪方略卷五十九 己未年



四月初一日

辛丑

上諭內閣曰副都統伊興額以革職留營之員經朕派
令幫辦三省勦匪事宜原因其平日打仗尙能勇往
是以棄瑕錄用嗣因賊擾豫疆諭令接統邱聯恩鹿
邑諸軍督辦河南防勦事宜自應與在事諸臣和衷
共濟奮勉圖功乃該副都統乖僻性成遇事與人齟

齟商水之戰賊止六千餘人而單銜奏報輒稱殲
二萬三千餘衆似此欺飾乖謬實難勝統帥之任伊
興額著革去頭品頂戴以示薄懲交勝保軍營差遣
委用所有河南省防剿官兵著派記名副都統吉林
協領關保統帶該省防剿事宜悉歸督辦仍作爲傳
振邦幫辦以期同心協力共奏膚公

初二日
壬寅 瑛瑛奏言毫東捻逆仍圖西竄三月

十四五等日有馬步賊匪數百人至亳州城外
遊駛欲撲州城經總兵朱連泰督率兵勇奮擊
斃匪甚多匪衆向東南竄逸總兵承惠督帶馬
隊馳往約同朱連泰會哨查知亳境之五馬溝
等處均築有賊圩逼近豫境賊騎四出紛擾情
形喫重臣當卽知照伊興額帶兵由永城馳赴
鹿邑相機進擊並選派直隸甘肅官兵一千名

山西官兵一千名練勇一千五百名並亳州原
駐馬步兵勇九百餘名悉交承惠朱連泰統帶
進剿卽歸伊興額調遣其未到豫之黑龍江餘
丁二百五十名到後亦歸伊興額調遣總計派
出馬步兵勇連伊興額原帶官兵不下八千餘
名大軍雲集進剿可期得力惟豫省東南邊境
均與皖省毗連設該匪被剿旁竄則歸陳兩屬

路路可通仍應嚴密防範現酌留陝甘官兵及
本省馬隊共七百名駐守歸德南陽鎮官兵四
百餘名駐守陳州河北鎮官兵三百餘名留守
鹿邑糧臺其商邱鹿邑與亳州交界之北十字
河包公廟等處最當臺捻竄突之衝酌派馬步
官兵一千三百餘名駐防要隘以爲伊興額後
援惟省城根本重地尙屬空虛現募壯勇勤加

訓練以備緩急奏入

上命軍機大臣傳諭瑛瑱曰亳州樸城捻匪經朱連泰等督兵擊退而五馬溝等處均築有賊圩逼近豫境亟應迅速進剿以遏逆氛該撫抽撥防兵派總兵朱連泰及承惠統帶進剿歸陳等屬留兵守禦布置均尙周妥惟伊興額昨已降旨革去頭品頂戴交勝保軍營差委其所帶豫省官兵業已改派關保統帶督

辦該省防剿事宜現在調派各兵爲數不少軍威已壯進剿當可得力俟關保馳赴永城接替後卽令馳赴鹿邑督率豫軍相機攻剿以期擣穴擒渠

初三日

癸卯

勝保翁同書奏言

臣

等籌辦淮南大

股捻匪設法剿撫兼施捻首張元隴因見李世忠獻除就撫赦罪授官翻然悔悟遂有乞降之請臣勝保初未敢深信特以其既有向善之機

何妨開以自新之路一面派員進城察看動靜
一面力攻懷賊離開黨援旋據張元隴等疊具
稟函情詞真切臣勝保卽頒示諭帖多方勸誡
自正月以來屢次傳令來見張元隴總因畏罪
不前其妻劉氏深明大義赴營匍匐軍門代夫
請罪臣勝保傳令進見開導再三其妻感激涕
零誓以死報回城後催促張元隴卽於次日來

營叩謁情願率衆投誠殺賊自效經臣勝保宣示

朝廷德威於詞嚴義正之中寓矜恤成全之意權

宜給予頂翎據張元龍稟稱一俟手下人衆安

置妥洽卽行薙髮獻城臣勝保因陽示羈縻陰

予鈐制嚴飭劉府殷家澗一路駐守各軍加意

準備爲明堵懷擒暗防鳳臨之計詎懷城張逆

諗知張元隴等撫議將成屢遣其姪張從導等
來至城關從中阻撓加以脅制張元隴亦遂畏
首畏尾游移觀望三月十一日龔逆親率大股
悍匪撲至胡家集地方經臣勝保親督進剿殪
賊甚多首逆僅以身免十八日懷逆又復分股
越過臨淮由燃燈寺岡子集一路東竄梅城寺
意在撲擾明光又經臣勝保派撥營總薩薩布

帶領馬隊盡力截殺殲斃數百名落河淹斃者
不計其數賊鋒爲之大挫臨鳳人衆聞之亦皆
氣奪臣勝保一面聲言取道鳳陽進規懷遠一
而親統馬步各隊排列鳳陽城南之甄家岡巡
城周厯大耀兵威張元隴見懷遠張龔二逆屢
受大創匪勢已窮遂毅然自拔來歸稟請派員
進城張元隴當卽率衆薙髮臣勝保於二十三

日統兵親赴臨淮張元隴叩謁道旁卽曲加慰
勞策其奮勉圖功並籌餉銀萬兩作爲衆丁賞
犒以溥

皇仁飭將所部人衆選精壯一二萬立爲淮勝營分前
後左右中五隊聽候調令隨同官軍進剿其餘
酌令歸農張元隴聽受惟謹並據面稟擬往淮
北將附從數十捻圩令其均行薙髮歸正亦卽

許可臣勝保布置既定卽日折回殷家澗商之
臣翁同書當派署廬鳳道黃元吉等於二十五
日由臨淮前往鳳陽入城安撫士民降卒卽將
鳳陽府縣兩城及臨淮關一律收復查張元隴
以數萬之衆帖然歸化立獻城池以視李世忠
薛成良自屬事同一律而其所獻地方歸降人
衆較多快懇

皇上特沛恩施將張元隴寬免前罪

賞給三品頂戴以都司卽補其妻劉氏並

賞給四品封典以資觀感而昭激勸其所部出力頭目

人等並候查明覈實分別奏懇

恩施此次辦理招撫在事文武員弁可否由臣等擇尤

保奏之處出自

鴻慈奏入